

大復集

六



16
1205
6



大復集卷第十七

都指揮婚袁聚刊

五言律詩八十四首

谷望之二首

念汝書難達登樓望欲迷
天寒一鴈至日暮萬
行啼飢饉饒群盜徵求及寡妻
江湖更搖落何處可安棲

二

日落荒山畔孤城更可傷
生涯仍寂寞世事轉



倉皇百口同飢饉，千村盡虎狼。知君憐老父，南望白雲長。

雪中簡賈長教

雲雪孤城暗，深杯誰共揮。霧中千樹失，天上百花飛。濕益青毡冷，光連素壁輝。知君郢中曲，高調和人稀。

寄周明府

舊業燕京下，何方更卜家。知君能大隱，城市即

烟霞。商谷多芝草，淮山有桂花。相招空夢寐，岐路滿天涯。

贈韓亞卿返湖南二首

斧鉞辭燕闕，旌帷駐楚宮。使星天漢上，鄉月洞庭中。劉晏經邦計，蕭何餉士功。歸朝論事業，不愧古人風。

二

送節初臨夏，迴旌已逼年。馳驅千里使，經濟萬

人傳髮變江湖上，身歸日月邊。
淮西困飢饉，側望達堯天。

得五清先生消息尚客澧州，悵然百懷。

作詩六首

憔悴東都士，吾師更可嗟。
三年為逐客，萬里未還家。
暮阻巴山雪，春行楚岸花。
江湖無路覓，流涕望天涯。

二

昔遇南來客，曾傳北寄聲。
飄零携百口，留滯傍孤城。
澤畔騷人興，周南太史情。
天高地仍遠，銜謗竟誰明。

三

洞庭西去路，消息幾回聞。
地僻難逢鴈，天長祇見雲。
白蘋怨楚客，斑竹夢湘君。
宋玉悲秋意，空傳九辯文。

四

夫子先辭國○嗟予亦罷官○生涯同去住○世事各
悲歡○楚地江湖闊○巴山道路難○白頭慈母在○雨
雪更愁寒○

五

跡為羈縻久○身因放逐勞○五溪淹日月○三峽尚
波濤○夢裏摧雙翼○愁邊見二毛○清風引歸袂○名
共蜀山高○

六

儒行荆人識○文章澧郡傳○夷方仍俎豆○客路半
舟船○太守迎徐稚○諸生仰鄭玄○獨憐門下士○何
日進彭宣○

寄抗東鄉

海內賓朋隔○天邊涕淚遙○一書無計達○萬里更
能招○碧樹東南地○寒江日夜潮○石梁如可度○仙
路坐相邀○

送羅秀才歸省

汝念高堂母。還家秋色深。遙知倚閭望。應慰斷
機心。落月清淮朗。浮雲楚塞陰。西風吹匹馬。惆
悵送歸吟。

寄張提學伯純

舊屬朝瑞望。俱稱柱下才。九霄駟馬出。千仞鳳
凰來。河洛經中嶽。星辰動外臺。山城有桃李。花
向幾時開。

聞陸舍人子引罷官兼懷徐舍人德章

惜爾官難達。文章本鳳毛。投簪歸海岸。挂席起
江濤。張翰元思翰。仕公且釣鰲。南逢徐孺子。應
話舊同袍。

喜劉朝信過飲三首

坐惜芳菲晚。何人到野中。相邀一樽酒。來對百
花叢。翡翠鳴春日。遊絲墮碧空。誰知豔陽節。爛
醉與君同。

西郭樓遲地○春風亦可憐○落花寒食雨○高柳夕陽○
天岸嘖行林側○移樽坐水邊○啼鶯如有意○數
倚舞衣前○

三

烟樹孤城外○風花野水濱○羣鷗不避客○雙燕亦
留人○况值清明後○酣歌爛煙春○怕看三月暮○過
我勿言頻○

懷王舍人支熙

自我還鄉里○無書到野亭○江湖春浩○鴻鴈日
冥○苑內花空發○池邊草自青○寧知同省客○萬
里各飄零○

寄宗烈

憐君下第日○即我挂冠時○岐路千行淚○浮雲萬
里悲○天高南海桂○地遠曲江祠○處○豺狼鬪相
逢○未可期○

送公順赴湖南有懷舊遊

雄勝稱三楚。茲遊不可無。入溪身更遠。望嶽興
難孤。江漢元朝海。樓臺半入吳。十年歷覽地。夢
繞岳陽湖。

公順阻雨又贈

孤城三日住。客子意何窮。水國春多雨。江沙晚
更風。宦情臨漢上。鄉夢到秦中。幾欲相拚過。清
尊未得同。

朝信讀書山寺

嗜靜山中寺。藏脩此度年。白雲千嶂裏。清夜一
燈懸。書卷留孤客。盤餐傍老禪。何時騎馬至。訪
爾古松邊。

贈壘師

羨爾離羣友。明心到灑然。乾坤卓錫外。日月轉
輪前。覺路開無極。迷川度有緣。黃金留淨界。萬
世此燈傳。

壽徐廣文

七十六年過悠悠湖海人青松高比節黃鶴健
如身子有徐卿貴官同鄭老貧春花歲滿眼常
得醉佳辰

答望之惠蜀扇並詩

浣花溪上物萬里故人傳豈意京華士清風到
我邊亦知塵可障更愛月同懸况有佳篇贈長
吟益爾憐

西谷有淞聘喜得勝遊因話淞中之勝

君向杭城去茲遊似馬遷應傳越客酒先泛楚
人船入郭湖天迫觀潮海月圓因君話禹穴高
興亦飄然

贈陳逸老

此老非凡老生涯與世同人間多少歲八十一
春風日月丹丘子乾坤白髮翁無人知姓字身
不到城中

送高子登赴試

倚馬高槐下行歌夕更繁夏雲連楚甸秋月滿
梁園題柱名千里登臺策萬言雲鴻天路求今
日看飛翻

送朱有中

磊落鄉中士昂藏見爾才秋風八月起宋苑一
花開雄劍蛟龍化黃金駿馬來青雲少年事况
為築高臺

贈徐生

念汝多風骨論文亦有神常懷萬里志須愛百
年身涉海方知木為山不讓塵眼前書史在無
限古今人

送徐生赴試

爾到梁都日西風發醉歌秋深花近苑夜迥月
臨河姓擬傳霄漢身應謝薜蘿佳音附來鴈報
我莫蹉跎

送張秀才還固安

十月燕山雪孤城易水風旅魂迷白草鄉淚劇
丹楓萬里書生筆千鈞壯士弓論文更好武何
地汝成功

贈葛時秀

磊落元高士飛騰且壯年驂騑萬里路鵬鷲九
秋天白壁先淹楚黃金晚入燕春花爛熳日定
醉曲江邊

奉寄臬山先生

館閣三朝舊江湖萬里長北山高碑砥南斗極
光芒皓首歸難挽蒼生意未忘春風舊桃李何
日傍門墻

為李秀才壽母

寒歲開筵處佳辰對碧山梅花似白髮萱草亦
朱顏志與和熊苦身因駕鹿閑百年應自慰常
見舞衣斑

送別劉朝信

萬里向天涯。孤城對日斜。雲山共此別。世路獨
長嗟。暮雪燕關樹。春風漢苑花。知君騎馬地。名
姓滿京華。

寄君卿

望爾為官處。悠々天一涯。白雲連海嶠。紅日近
京華。飛鳥來天上。鳴琴坐日斜。春風桃李樹。應
發滿城花。

寄任宏器

白髮三年客。滄江萬里船。相思一回首。懷抱即
依然。碧草成詩夢。桃花入醉眠。高車易傾覆。何
似廣文氈。

送熊舉人

歲暮爾何適。天涯誰共過。敝裘衝雨雪。匹馬向
關河。季子黃金盡。安仁白髮多。燈前解雄劍。長
夜一悲歌。

寄錫王朝良憂居

念爾憂居日○山樓不到城○下惟如董傳○閉戶即
孫生○苦塊冰霜重○鯤鵬羽翼成人言○爾似曩潦
倒愧賢甥○

寄別餞送諸

西路臨秋寺○登臺憶送行○風塵別汝輩○江海本
吾情○塞柳凝寒望○關雲入暮征○長安日不遠○相
見待諸生○

壽李生父

五十五年人○乾坤未老身○佳辰近元日○物色是
新春○白髮何須變○青山不當貧○克問更有子○莫
厭酒觴頻○

贈樊生鵬

羨汝非凡鳥○群飛志豈安○即看成羽翼○何日起
扶搏○丹徼通南極○滄溟近北寒○天風吹送爾○九
萬亦何難○

和賈西谷暮春雨後之作

溪雨清明過。游雲薄遠空。鷗喧春水至。燕落晚
泥融。麥秀千家暗。桃花昨夜風。獨憐艷陽日。尊
酒未能同。

答劉朝信春日之作

聞君新歲作。吾亦念生涯。翠麥纖纖細。青楊裊
裊斜。渴思春岸雨。醉憶碧溪沙。何日酬懽賞。相
邀共物華。

九日袁惟學邀南園登高病不起

經秋子卧病。九日汝登臺。悵望啼猿處。無由躍
馬來。暮天雙鴈落。寒日一花開。亦有杯中物。孤
懷未易裁。

三月七日同諸生出遊

清辰招爾輩。同出眺烟沙。寒食孤村路。春風萬
樹花。藉蘭臨水曲。折柳到山家。獨少青尊共。能
無愧物華。

別寺僧是日立春

別寺逢春日。山盤野菜長。老僧朝具飯。留客更
焚香。雨暮楓花靜。雲寒柏樹蒼。獨慚騎馬去。塵
事未能忘。

九日震雷山懷望之

九日東山上。思君江漢深。故園頻宴會。佳節自
登臨。衆壑流雲氣。孤峯落日陰。應知楚山上。獨
賦望鄉吟。

立春日憶京

此日憶京華。孤城春望賒。雲霄雙鳳闕。歌舞萬
人家。香脆金盤菜。寒輕綵勝花。繁華舊時事。回
首一長嗟。

元日哭先人墓二首

春色松楸地。淒涼望不窮。一哀臨逝水。痛哭起
悲風。江海無歸路。塵沙有斷蓬。一杯元日酒。空
灑九源中。

地下今安在。人間春自來。空餘萬行淚。不盡百年衰。松柏開神路。星河隔夜臺。林鳥暮啼急。佇立不能回。

社前一日上先墓

莽莽乾坤閱。悠悠歲月過。極知恩似海。空有淚懸河。巢燕營新壘。林花發故柯。春風如往日。愁到此山阿。

春望

荏苒青春望。棲遲白日歌。柳隨愁共結。花與淚同多。異域猶戎馬。吾生只薜蘿。萋萋春草色。依舊滿山河。

春來

春來稀灑掃。門徑碧苔滋。積雨忘昏曉。幽居感歲時。寒雲低旅鴈。城樹暗黃鸝。獨立傷春色。蕭條萬事悲。

寒食

沙岸青春雨風吹野水涯不沾寒食酒空映古
墳花城郭人烟細樓臺暮景斜東流爾何意滾
滾送年華

清明

碧草晴川麗遊人興渺然賓朋聊杖履兒女更
鞦韆沙白孤城日山青萬井烟風花暮無數片
片落河邊

仲春二日

荒村春甲子暮雨散高天石壁臨斜景雲岩落
暗泉長官行問俗父老更占年早晚春濤至相
將泛野船

晚晴

茫茫春水地斜日滿菰蒲隔水雲峰峻含風雪
壁孤晴光催谷鳥瞑色下城烏仄徑漁樵過相
逢亦我徒

春興

二月已過半○三月來逡巡○柳葉細可采○桃花開
太頻○白馬過遊客○黃鸝呼醉人○紅顏樓上女○端
坐獨傷春○

清明日先塋歸

感慨清明節○留連野外尊○花明兼柳暗○萬落更
千村○黃鳥鳴官路○青山繞郭門○常懷九原下○悽
斷百年魂○

出寺過胡山人家

細雨清沙路○經行獨杖藜○那知白社客○更向碧
山樓○花好圍牆發○鶯嬌入院啼○風光不能醉○吟
望轉樓迷○

過袁惟學南園集飲二首

始識南園路○垂楊一逕斜○誰言此城市○吾意即
烟霞○客醉迷深竹○鶯啼過別花○圖書日一萬卷○不
異子雲家○

獨坐春林暮。飛花送酒杯。亭陰連水曲。山照落
城隈。萬竹當堦倚。千峯繞戶迴。高人讀書處。莫
厭我頻來。

同趙先生宿山家

同宿京華地。今來又六年。那知風雪夜。復此共
床眠。水曲鄰燈照。山高石溜懸。中宵不成寐。話
舊各悽然。

劉朝信西園

邀客西園內。知君愛醉吟。相看二月盡。無柰百
年侵。春水桃花岸。高亭橘樹林。晚來有幽意。西
望白雲岑。

飲衣惟武山莊夜歸

殘日喧歸騎。漁樵窄徑逢。烟中望北郭。樹裏下
西峯。深夜明林火。蒼茫度水鐘。朝來向城市。誰
憶白雲蹤。

葉邦重山居

幽棲近蘭若。來慰野人情。戶外雙峯秀。堦前衆壑平。鳥鳴春樹裏。僧傍翠巖行。日暮山鐘發。相隨夜到城。

寺僧留宿

留宿頻經夜。虛空斷俗緣。獨吟依野衲。不寐聽山泉。冰月人間地。香燈象外天。何時謝城郭。來此共安禪。

賢隱寺次劉朝信

翠壁青蓮界。蒼苔白石關。春來初出郭。日暮更登山。歲月頻經眼。烟霞可駐顏。化城依宿處。自覺此身閒。

袁揮便別墅次朝信惟學韻

出城山水地。朋舊共斯遊。吟倚將軍馬。來乘老氏牛。桃花紅映郭。柳色翠臨流。寄語尋幽者。無勞此外求。

阮生談西巖險絕子未嘗到

聞爾西巖上經行此路艱風高吹獨立雲細裊
難攀目送千峯盡身隨一鳥還更傳僧八十終
日閉松關

夜酌黑龍潭二首

川源一曲抱峭壁萬年開白石傳杯坐青天送
月來蛟龍亦自舞鷗鷺豈相猜誰識仙潭上天
留此釣臺

二

百頃風潭靜澄波夜轉明江山一壺酒天地六
人情醉踏金鰲背潛窺玉鯉行龍宮月長滿何
惜坐深更

留賈西谷舍

獨院團雙檜清陰午更繁笙歌聊輟講市井不
聞喧壇杏當筵墜堦葵夾座翻憐君交誼重數
到廣文園

王生館兩坐

獨坐王生館○凄然歲暮心○高城翻落照○空院積
寒霖○鴈鶩秋飛盡○蛟龍夜或吟○西山舊松竹○雲
雪共蕭森○

過先人墓示彭天章二首

三宿孤墳下○肝腸爾獨知○不禁桑梓淚○難忘蓼
莪詩○逝水有歸處○白雲無盡期○九原靈爽在○相
見是何時○

二

少小承顏日○思深世所稀○倉皇成未訣○冥漠竟
同歸○天地空形影○音容有是非○此身如寸草○何
以答春暉○

同季升過李生書舍

避寇孤城裏○君家數倒尊○柳邊開草閣○花下覓
柴門○臺古如山郭○塘幽似水村○南鄰張給事○常
與坐黃昏○

登西巖寺二首

西林禪誦地石壁倚天開曲磴千盤上飛泉一
道來園禽巢古殿野鹿過香臺共生題詩暮山
花落酒杯

二

野寺千峯裏遊人一徑深窓喧石礧木殿落翠
巖陰花樹三春暮山川百代心天風日夕厲難
上最高岑

遊賢隱寺

寂々春山寺雙峯畫自陰行吟白雲裏獨慰翠
微心石磴懸蘿暗巖亭雜樹深還疑武陵口溪
水入花林

大復集卷第十七

大復集卷第十八

五言律詩八十四首

過萬家庄

野屋木潺湲溪緣崖一徑攀迴風吹落日臘雪滿

寒山千嶂啼猿裏。孤峯騎馬還。蒼茫雲霧合。無路覓禪關。

至堅山寺僧不遇

峭壁何年寺。重來雪路迷。烟霞開寶地。霄漢接丹梯。逼面千峯起。回頭萬壑低。無人獨歸去。惆悵白雲西。

再過寺

山家晚飯罷。清夜宿西林。古壁棲金象。花宮出

梵音。三生石上話。萬劫世間心。獨愛寒岩柏。蒼蒼一院陰。

登堅山寺絕頂真武廟二首

古廟堅山上。丹青碧蘚封。遊人不到處。一老自鳴鐘。絕壁飛泉挂。微峯曲逕通。岩堯一以望。頓覺世塵空。

二

同來息心石。不避捨身臺。洞裏烟雲出。窓中日

月開孤僧絕頂住。遊客半空迴。不盡登高興。無人送酒來。

懷西山

不到西峯久。那堪病後情。雲思母壑卧。花夢碧巖行。城郭邀來往。朝廷問姓名。人間自多事。嘆息此浮生。

自山家歸

暝色延歸路。雲中見上方。萬山懸馬首。一徑入

羊腸。暮雨橫沙界。陰霞拂院牆。更深磬管發。身世樂何鄉。

近寺

梵宇頻經處。林深入磬聲。懸崖攀葛上。曲澗遶松行。花鳥還春日。樓臺即化城。亦知身是妄。從此學無生。

過書院二首

書院新開日。文旌暫過時。衣冠成小試。絲竹更

相隨凍柳依高堞。霜荷傍曲池。夜來占寶氣。應
向斗牛知。

二

駐馬高城畔。酣歌送落梅。風霜十日盡。杯酒衆
賓回。柳色含春動。笳聲向晚催。故園無限意。行
節為遲迴。

登樓

孟夏遊茲地。登樓慰所期。樹陰深坐客。花晚更

題詩。滿院紅榴發。當簷白果垂。風情真可住。俗
物苦相追。

過杜家庄

山老頻邀客。茅茨隔暮烟。聞雞度絕嶠。立馬看
飛泉。種柳非無地。栽麻亦有田。謀生今已定。不
用卜居篇。

獨坐

獨坐孤燈靜。憂心倍寂寥。橫河當戶轉。落月去

城遙淚向何時盡。魂從暗裏銷。此身雖復在，其
與歲時飄。

獨立

鼓絕孤城掩。溪傍春事殘。岸霞晴映樹。汀雨暮
生寒。風外看花盡。烟中望柳繁。靜觀時物變。獨
立思千端。

袁秀才書院芍藥

亦是傾城色。開仍傍杏壇。日遲深院落。風轉曲

闌干。不恨先桃李。皆言勝牡丹。春華惟在此。遊
客好相看。

李秀才園中牡丹

此地無車馬。名花亦自開。何須照羅綺。但遣絕
塵埃。近水紅雲綻。憑闌白日迴。姚黃與魏紫。空
向洛陽栽。

李秀才書屋冬菊花

萬樹皆零落。亭、獨自栽。根深飽霜雪。花好爛

地臺短鬚煩相映，孤懷為爾來。凡花與衆草，歲暮不同開。

趙生書堂行

愛爾書堂竹，青々耐久看。到門惟一徑，入院迥千竿。雨映爐烟細，霜生簾色寒。晚來幽獨興，題句刻琅玕。

梅

野水無人地，寒梅獨自開。花疎間翠篠，樹古積

蒼苔。嶺雪春潛至，林風香暗來。一枝猶可折，橫笛暮休哀。

懷賈長教壇上杏花

山城踈雨過，綠草暗庭陰。坐愛三春樹，懷君雙杏林。日長鳴鳥至，風靜落花深。悵望高壇上，何由共爾吟。

櫻桃

滿郡櫻桃熟，筠籠處々傳。千枝垂更密，萬顆落

仍圓細瀉愁難破。嘗新淚泫然。金盤賜朝士。猶
憶拜恩年。

芍藥

芍藥春風晚。開遲莫自嗟。城中雖有樹。此外更
無花。倚席低行月。翻階鬪落霞。佳人對瑤瑟。一
為惜年華。

雙栢

雙栢種何歲。蒼然盤據深。蛟龍猶有甲。鸛鶴爾

何心。月過陰移壁。風來響度岑。萬年烟霧裏。長
得護禪林。

雪

莽、黃雲起。淒、素雪浮。堂深偏近燭。院迥不
依樓。喜見漫天舞。愁看向日流。更將三白兆。一
慰老農憂。

聞雷

中宵若雷發。二月始鳴雷。落地殷仍起。盤室劃

欲迴蛟龍入浦淑風雨過城隈獨坐明燈裏空
堂萬慮催

曉起見雪

曙色空窓裏鳴禽更好音幽樓忘盥櫪偃卧問
晴陰卷幔山雲起開門野雪深不愁泥濘路騎
馬度西岑

雨

疾雨衝城下春寒入暮催樹明指落電山暗轉

奔雷正日花狂放三江鴈亂回國西兵馬急愁
問羽書來

密雨

密雨過清朝空山對寂寥夕陰雷電蟄曠野虎
狼驕鷺立清沙近鷗行白水遙眼前常見汝俗
物謾相招

漁樵

白石樵人路滄江漁父灣桃花夾雨岸松色映

孤岑坐傍竈竈窟。行穿虎豹林。古今問答意誰識。邵公心。

祥陽

兒生三月矢李膺。觀花顏未試。曾彬印空探。羊祜環玉錢。憐寂寞。錦祿憶人間。欲問乘除理。蒼蒼不可攀。

淮陰侯

大將登臺貴。三軍按懾豪。力能分楚漢。功本冠

蕭曹。故壘風雲偃。空山虎豹號。獨憐飛鳥嘆。不及范生高。

吹笙

寂寂花宮月。何人吹玉笙。響從雲漢落。清過彩雲行。夜靜疑天籟。更深入梵聲。幽心與禪意。淒切轉關情。

廢屋

廢屋空山裏。風沙不見人。壞墻惟有徑。獨樹更

無鄰冠盜三關逼。徵求萬國頻。江湖暮搖落。回首一沾巾。

燕子

燕子今春到茅堂。水郭西本無華屋志。難向玉樓樓雨細。鳴相並。風輕落故依。淘河莫深訝。只是為啣泥。

病馬六首

柴公有名馬。騎出自京華。峻耳批雙竹。竒毛散

五花老能知道路。病已困泥沙。貴賤誠如此。長吟為爾嗟。

二

此馬非凡馬。曾酣百戰場。聳身思剪拂。馳志在騰驤。側立青雲迥。悲鳴白日長。君恩如不棄。終擬報田方。

三

從來西域種。會是渥洼生。不惜千金買。寧辭萬

里行天寒思故道。歲晚滯空城。牽向閑階下。長
鳴意不平。

四

老向關山裏。龍媒世不知。思深思欲斷。力盡淚
空垂。首蒼辭天苑。塵沙別月帑。東郊望春草。
生意在何時。

五

惜爾西來遠。愁者更向東。毛寒常帶雪。骨瘦不

禁風。惆悵臺邊士。淒涼塞上翁。徒聞復天子。八
駿歷曾空。

六

跼蹐才難盡。踟躕意若何。沙寒首蒼短。路晚蕨
藜多。不復馳金市。猶思歎玉河。側身千里外。常
恐歲蹉跎。

送劉大理守衢州府

以下京集

西寺平反久。南邦出守初。高門廷尉宅。五馬使

君車海岫晴浮越。河關暮泊徐。蒼生望杜母。行
駕莫躊躇。

送馮大和

久客依親友。深秋念此行。亦知彈劍缺。不是愛
冠纓。木落燕天鴈。花催楚岸鶯。故山松柏樹。何
限女蘿情。

送石令之廣濟

萬古黃州水。孤城赤壁山。仙島從此去。宿鴈幾

時還。柳澤春陰細。琴堂晝日閑。知君忠孝志。遺
愛楚人間。

送張子行

汝陽張季子。冬暮獨南行。此去樓淮曲。何時入
漢京。龍劍雄雌別。鯤池羽翼生。試看古名士。多
自少年成。

元夜孫世其席上餞勤甫

京國上元夜。相逢竟黯然。張燈非舊俗。滿月是

離筵楚塞干戈外○春城鼓角邊○同遊重分午海
內各風烟

送謝邦用之湖南

同作燕京客○君為楚上行○雲霄無舊侶○江漢有
深情○鼓吹春天樹○樓船水國城○遙傳持憲使○元
是漢廷評

送呂子

京洛三年客○雲霄萬里邊○上書俱不報○解珮獨

先歸○北極臨燕甸○南山繞漢畿○相將未可料○岐
路斷蓬飛

送顧汝成之浙江

水部名元重○藩叅位不輕○十年垂紫綬○萬里為
蒼生○舟楫江邊驛○旌旗海上城○風塵尚未息○慷
慨望君行

李南陽宅餞子容

封王金冊節○漢使玉堂英○禮樂逢今日○山川壯

此行渡江春草歇。臨海夏雲生。賓客南陽宅。遙
遙萬里情。

送高穎之給事使楚道過揚州

諫垣初北上。奉使且東還。冠冕留仙宴。江山慰
客顏。節停淮海曲。槎到斗牛間。別後金門侶。應
懷玉殿班。

子容飲餞

客館西垣靜。開尊為汝歌。檻花深晚坐。城樹喜

頻過。絲鷓春湖色。驪駒白玉珂。還鄉君信樂。予
柰別愁何。

送鄒子之浙中訪迎張子

此去尋張子。東行指宋畿。秋城悵獨往。春棹好
同歸。雨外吳帆重。江中越岫微。平生壯遊興。送
汝益翻飛。

送熊御史謝病還江西

晨車發帝里。秋棹返江鄉。草奏孤臣淚。懷歸

久客腸海鷗思避俗湖鴈喜隨陽攬轡平生志
還山未可忘

送蕭升之任登州府學

廣文騎馬去東郡有花開日對蓬萊觀春登海
上臺人看鳴鳳下客擬釣鰲來莫謂儒官冷絃
歌擁俊才

送王有鄰之趙州

大郡須才美君才美更多雙轡朱折羽五馬玉

鳴珂橋市連燈火城亭入芰荷兒童迎太守齊
唱趙州歌

真空寺送人不及二首

尋僧憇石寺候客掩松門碧水城隅路青山塞
口村迴舟非盡興駐馬獨傷意目送寒天鳥孤
飛日易昏

二

古寺城中斷荒原寺半開碧山從此去芳草為

誰來野送空臨水。燕歌獨上臺。林風暮吹急。歸興颯餘哀。

汝立席上送世其二首

故國思先往。兵曹喜暫過。江雲同楚望。邊月自燕歌。市夜盤飡易。城春鼓吹多。一盃今對汝。他日異關河。

二

汝去來何日。令子轉念家。興同張季子。愁異賈

長沙河塞行無雪。江鄉到已花。洞庭風浪闊。漂泊問龍蛇。

送以行往平山省外父母次韻

歲暮忽為別。亦知非遠遊。彩衣思孟里。鳴玉向秦樓。岸雪晴含照。林風尚帶秋。如憐早春色。絲鞵返皇州。

送釗子遊西山寺

杖憶湖西寺。春山爾獨行。乍暄饒柳意。空谷自

鷺聲人減同遊伴。花含往歲情。片雲回首暮天
遣別愁生。

送王生還嵩盟兼訊趙叔

此向嵩州去。遙看溟海窮。行人三月盡。獨馬萬
山中。雪嶺啣西日。春沙起北風。傳書問故舊。天
地一冥鴻。

送施聘之御史南還

翊翼青冥去。高秋隻隻孤。許身酌日月。垂淚向

江湖事業臺中草。空涯水上蒲。他年問書札。滄
海一潛夫。

送王判之求州

日出楚帆高。秋行不覺勞。衣裳南嶽霧。舟楫九
江濤。謝傳非忘履。王祥已佩刀。雲霄北萬里。風
便一鴻毛。

送李令赴宣城

名色今為宰。東行更屬秋。青天見海岱。明月下

河洲柳傍禪琴坐。花隨故鳥遊。蒼生未蘇息。須
拜富民侯。

送韓仲子並訊其弟季子二首

昔別留談數。今行出餞遲。萬人皆涕淚。四海一
瘡痍。花映投簪日。風流攬轡時。西雲暮不斷。遙
起漢關思。

二

令弟先君往。伊子實嘆嗟。竄身還故里。避世入

山家。斜日秦城柳。繁烟渭曲花。豈知燕地客。騎
馬日風沙。

送兄二首

兩兄憐小弟。千里會長安。曉白瀘溝別。霄追松
寺懽。風回鴻鴈急。雪度鵲鷓寒。暫聚遙分散。臨
岐忍淚看。

二

風逢皆萬里。骨肉我三人。岐路緣何事。他鄉愧

此身○柳○含○燕○旬○色○花○隔○楚○園○春○佇○望○行○車○遠○迢○迢○起○暮○塵○

送曾建昌取道還瀘州

之○官○懷○印○綬○過○里○訊○松○筠○峽○纜○牽○瀘○水○天○梯○截○少○岷○雲○山○蟠○越○嶠○錦○樹○雜○冬○春○日○極○西○南○日○高○歌○動○我○神○

送郭進士告歸大梁

病○卧○歸○夷○梁○瞻○雲○侍○太○行○金○門○謝○通○籍○漢○署○憶○

含○香○沙○柳○繁○臺○閣○春○花○宋○苑○墻○古○園○風○竹○動○蕭○灑○讀○書○堂○

送沙河方令

野○曠○孤○城○出○山○高○上○黨○分○春○沙○平○落○日○古○樹○密○此○雲○桃○李○今○年○種○絃○歌○此○地○聞○未○須○愁○簿○領○應○不○廢○詩○文○

送賈郡博之階州

十○載○一○儒○官○西○行○路○復○難○羌○夷○應○俎○豆○邊○徼○有○

衣冠隴坂盤雲上○秦城向斗看○好音懷萬里○早
晚報長安○

送汪二司業還南京二首

帝宅龍盤內○儒林鳳覽中○此來名益重○相送意
無窮○畿甸江山抱○官墻日月通○仙舟上南斗○攀
望彩雲空○

二

溟漲開鯨刃○雲霄列鴈行○中朝貴昆弟○時論有

輝光○柳別金門色○花携玉殿香○佇聆前席問○獻
納在明堂○

送楊子濬下第還廣東

憐君不得意○春盡獨還家○路入薜蘿草○亭深枳
殼花○客舟江上遠○鄉樹嶺南斜○盛世多遭際○寧
容問釣車○

別王秉衡

逸氣如孤鷄○長凌萬里雲○賈生能抗疏○司馬善

為文歲月交心舊山川別思紛城南相送罷消
息幾時聞

送楊驛丞

聞說丹河地孤城海上開
鹵烟出市井潮影動樓臺
漢使傳宣過夷官入貢來
皇華歌送客應閑出群才

送江華州

為郡稱先子承家氣益豪
少年乘五馬何夜夢

三刀天入黃河迥雲開華嶽高
古來名勝地此日羨賢勞

送都玄敬主事

夫子風流士才高耻受樊
長貧思故里多病乞文園
落日空山暮清霜下月繁
脩程正迢遞努力為加餐

二

此別何時晤佳期難重尋
扁舟南國遠歲晚大

江深○白首○三年○客○滄洲○萬里○心○平沙○有歸○鴈○竝
起○送○離○音○

送戴生歸獻縣

旅空○蒼苔○靜○寒城○月色○陰○歸人○對明燭○別調入
瑤琴○渤海○高雲○夕○滄沱○積雪○深○趨庭○知有○日○應
慰倚○門○心○

送曹瑞卿謫尋甸二首

逐客○滇南○郡○雲天○此路○長○高○秋○行○萬里○落日○淚○

千○行○作○賦○投○湘○水○題○書○寄○夜○郎○殊○方○氣○候○異○去
矣○慎○風○霜○

二

一封○朝○北○極○萬里○暮○南○溟○地○遠○授○蠻○府○天○高○哭
漢庭○旅○情○生○白○髮○行○色○傍○秋○星○若○過○湘○潭○上○休
看○杜○若○青○

大復集卷第十九

五言律詩八十三首

送宗魯使安南

日月天門迤，星辰海國遙。
龍函隨勅命，使節下青霄。
荒服周王城，南溟漢將標。
壯遊真萬里，無外見今朝。

送顧御史還南京

南國鳳凰士，北臺驄馬臣。
一鳴望霄漢，千里出

風塵折柳此為別，看花俱愴神。
飄零四海契，慚愧十年人。

九日夜過劉以正別士奇

重陽愁獨酌，深夜喜相過。
萬里惟秦客，三盃亦楚歌。
霜笳沉海月，風雁起漳河。
醉別黃花去，能忘白玉珂。

送顧華玉謫全州

白日春城過，孤雲天際陰。
君行萬里外，予意亦

何深夏擬浮湘水。秋應到桂林。衡陽去不遠。莫使鴈書沉。

送楊太常歸省三首

扈聖元公在寧親。季子歸鳳凰。銜寵詔。駟馬動光輝。回馭心先切。題橋志不違。都人看祖帳。兵嘆此行稀。

二

錦里趨庭日。聲華冠蜀都。弟兄今二妙。父子宋

三蘇禮樂風雲地。枿常日月圖。今皇念大祀。未可滯江臚。

三

聞道西南寇。猶多虎豹群。過秦應有論。諭蜀可無文。未返巴山使。空懸棧道軍。煩將父老意。歸報聖明君。

送寇定州

五月燕京市。高雲動客旌。南風開菡萏。君到定

州城霄漢仙鳧去。風塵老驥行。年來傾蓋意深。
感白頭情。

送彭總制之西川二首

江漢兵戈阻。鄖陽節制移。遙憐蜀父老。再覩漢
旌旗。躍馬終難據。窮猿本易追。威明聊一借。勲
業况當時。

二

蜀道青天上。岷山赤日西。九重連授鉞。萬里

動征輦。開府松杉靜。懸軍玉壘低。知公安蜀計。
諸葛大名齊。

送呂內翰上陵

弓劍登天壽。衣冠望國門。碧山秋殿閣。白露漢
陵園。雨落千官淚。雲隨六帝魂。詞臣松柏賦。
音繞鳳凰原。

送徐內翰上陵

君向六陵問。中元月正圓。攀松立暮日。藉雨坐

秋天殿閣西山抱關門北斗懸
先皇舊侍從
獨到秦陵前

送曹遜卿還汝寧

三年觀國士此日暫回家
去指清淮月行攀上
蔡花燕歌送楚客邊
鴈起城笳却喜干戈後
鄉園見歲華

送李體仁按雲南

漢使西南城天王節制名
九霄看鳳下萬里避

驄行風偃蠻夷靜
霜驅瘴癘清壯遊仍攬轡
從此慰平生

送呂揮使

駟馬赤電奔少年風義存
名登大司馬身覩漢
皇尊北海連龍磧
西山出鴈門臨行贈寶劍
持此答君恩

送郭刑部守寧波

漢庭黃綬吏西省白雲司
豈謂為郎久猶言出

守遲雲霄懸賜履。江海入褰帷。古越今名郡。風流當在茲。

送石秀才還趙州

念汝不得意。行歌燕市中。鄉書催朔雁。旅食寄霜楓。荆玉已三韞。冀群當一空。驅車薊門外。未可嘆途窮。

田子宅夜宴別

永夜愴離柳。同心耽宴遊。世情俱慷慨。鄉意轉

綢繆竹戶。霜燈裊風城。海角流豫章。天更遠燕北。有高樓。

送段子還蒲州寺中作

段子兩龍劍。西行歌莫催。探花天上返。觀日海邊迴。一別雲房樹。相思雪夜盃。禹門讀書處。終夕聽風雷。

送范以載之南京

不見君山面。看君獨意哀。曾陪竹林醉。今識仲

容才駿馬登臺去。蒼生攬轡來。春江暮雲樹。愁
望北帆開。

送欽師歸西山

近向雲間至。遙從花下還。赤崖春到寺。白塔晝
開關。風雨如西塞。烟霞似北山。到來應待我。祇
樹幾回攀。

送忽生還關中次韻

望爾西行路。春風萬柳條。轉憐黃鳥近。去恨白

駒遙。彈劍歌今日。張燈宴往宵。秦川待歸客。花
色醉中饒。

送以道次君鄉韻

汝到河西日。常令消息聞。風塵暫把袂。霄漢忽
離群。帆轉天邊樹。樓停海上雲。飄々岐路側。何
地復逢君。

送趙子視學

爾道東行日。斯文北學傳。鳳凰千仞上。腰裏萬

金前嶽峙高無極。滄流渺百川。古來齊魯地。風教有遺編。

送候汝立之東昌

東郡瘡痍日。蒼生屬此行。二毛猶未見。五馬亦為榮。月對河關上。秋從海嶽生。向來嵩少約。西望各懸情。

送士姪歸雀巢縣

見汝南歸日。令子北倚樓。彩衣花縣酒。白鴈楚

江洲。閉戶自茲始。佩帶須古求。行藏愧汝叔。日憶竹林遊。

送郭外舅之江陰

郭舅佐名邑。出門憐女甥。春風到江縣。花下早鳴鶯。聽訟琴堂靜。哦詩竹檻成。臨行贈玉珮。空有渭陽情。

送劉西曹決獄畿內

日下秋官出。天邊漢使分。令行乘肅殺。風覃籍

仁聞香署令清旭仙閣上白雲爐薰亦暫別遙
相畫氣氤

送胡別駕出關

天上黃華戍雲邊鐵壁城風沙行塞日金鼓出
關情轉餉留蕭相揮鞭讓祖生軍儲西北計從
此樹勲名

送毛汝厲按湖南

臘送燕門節春迎楚水艤揚帆泛廣漢擊楫渡

長江地絡蠻荆域天躔翼軫邦此行君不忝才
氣本無雙

送王夢弼之高郵

南甯隨春色東行識壯顏問問猶涕淚道路復
追攀風節雲霄上霜威海岱間聖明憐萬里
不久賜君還

送望之赴汶上二首

相送一如昔出關行復留初看萬里至忽是五

年流老駮從東路○眷鴻向北州○青門數行柳○烟
色暮含愁○

二

春郊餘雪日○河甸起風沙○送折燕中柳○行逢汶
上花○賓朋半海內○弟妹各天涯○駐馬臨岐處○飄
飄獨望家○

方岳從來重○君才世豈多○中原雖寇盜○晉國有
山河○勸俗銷金甲○求賢訪碧蘿○政平人自理○不

用事煩苛○

二

海內蒼生困○看君紫綬新○天官元貴客○岳伯是
詞人○雲極行山目○花傷翼北神○平生膠漆意○翻
恐愧雷陳○

送葛時秀任東明

東明花滿縣○令宰即神仙○宓子今為政○河陽復
壯年○隼旟開雨雪○鳧舄向雲天○何地傳消息○相

聞在日邊

陸子樓餞祖邦

渺、握江闊。高樓望轉傷。同來送歸客。予亦念
還鄉。塞接寒天迥。城銜落景長。重逢是何日。尺
素莫相忘。

白將軍征南兼壽母

將軍天上出。萬里擁舟航。玉帳駐南國。金尊開
北堂。海雲添寵色。江日借恩光。報主身何壯。猶

牽寸草腸

送錢推府之閩

越水到閩鄉。風帆萬里航。雲間開瘴癘。山雨暗
枕櫂。器本中丞後。才仍佐郡郎。燕京把劍別。此
去有輝光。

送施御史便道壽母次韻

繡衣真畫錦。彩服更花辰。海鶴稱觴數。江魚入
饌新。近懽迫里宴。遙祝借朝紳。堂下忘憂草。今

春倍徃春

贈王舉人

王子萬人英。詩名少日成。驪珠眠自抱。天馬傍誰行。旅食青楓改。秋吟素髮生。過逢見汝意。潦倒愧吾情。

贈管汝濟

冠裳同海內。盃酒對寒雷。舊識三秦客。今看萬仞標。芙蓉生露掌。騏驎在烟霄。願聽雲門奏。春

風入鳳簫

贈權僧過昌化寺見訪次韻

問爾湖邊寺。微鐘翠巘西。千巖一徑轉。落日亂藤迷。數見談天竺。相從過虎溪。山中送客罷。獨禮白雲低。

贈呂子遷左給事中

月明鳩鵲觀。日麗鳳凰城。自昔飛騰入。今看草奏行。銜沙墳海志。鍊石補天情。無限乾坤事。非

因萬古名

贈鄭佐

老鄭空同客長歌北海尊十年舊賓友誰到李
邕門天地頻回首江湖一旅竟關城獨歸鴈風
色傍黃昏

君米遷居

宅卜宮墻近堂開燕雀馬遷居憐客次過覓喜
吾鄰題竹元因主看花更屬春知懸孺子榻虛

薄愧高人

贈時亮

象郡開梅嶺羅池傍柳州山川盤秀地文物迥
風流丹就還珠洞書藏駕鶴樓風塵望爾去霄
漢獨相求

賀汝濟生子

夜、生蘭夢年、種玉心克問看氣色入戶試
啼音明月含珠浦高枝發桂林北堂書報日何

宮萬黃金

贈董侍御

何處采芳蘋○維舟湘水濱○草間露彩薄○沙上月
華新○杏○侵滇路○依○向楚人○汀花不寄遠○惆
悵獨逢春○

贈劉東之憲副

浮生能幾見○孰謂別離輕○遠道惟長劔○寒霄共
短檠○旌旗臨漢水○雨雪度秦城○鄉井衣冠少○分

攜益愴情

贈呂道夫轉右給事

右掖言司舊○重題御陛名○碧雲月通漢苑○丹地接
秋城○報主寨龍衣○驚人想鳳鳴○懷中一諫草○何
日為蒼生○

過寺中飲贈張元德

竹林清宴集○秋夜劇呼盧○卽席花偏艷○開尊月
不孤○君為淮海俊○我乃洛陽徒○腰下金龜在○明

朝付酒罍

夜集賀仲木

石室抽書舊金門待詔來官勲三載見容抱此
霄開劉向本經術馬遷真史才斯文久寥落望
子早登臺

贈王子

王子萬夫特英風千仞餘未投相水賦曾上漢
庭書日月方前席江湖漫卜居城南相覓處花

暮獨迴車

胡戶部父母同受封命

紫誥開天府瑤函照楚鄉白頭偕二老綵服有
諸郎草動春江色花携漢署香夜來望南斗萬
里益光芒

贈祖邦

白下通緘少燕都見面遲容心悲歲晚歸路及
春時姓入山公啓人傳水部詩同年吾不及相

望赴前期

吳逸士

逸士古豪士，劍歌出燕關。
不博邯鄲市，常遊五陵間。
賓容重然諾，公卿多往還。
千金何足貴，義氣高如山。

秋夕懷曹毅之

百卉飄零盡，孤鴻何處歸。
高樓橫暮笛，萬戶搥寒衣。
南國江湖遠，佳人尺素稀。
獨愁誰與晤，明月照重帏。

月墮重帏

懷望之姊夫

自爾出門去，天時十月催。
如何千里外，不見一書來。
遠嶠寒雲起，高城旅鴈哀。
鄉園莫久滯，星駕及春回。

懷姊

逐子東歸日，輜軒惜路岐。
那堪骨肉淚，灑向別離時。
旅病秋來減，鄉書歲暮遲。
庭闈欣見汝，千里

里重予思

懷三兄

軺車北上日相送及燕州為客全經夏還家已
過秋鶴鴿寒更急鴻鴈脫相求况是諸兄隔天
涯重倚樓

子純宅夜集懷望之

花月同遊客江湘萬里遙燕閑如我輩盃酒又
今宵轉覺花愁思翻教月寂寥無論去与住俱

是斷蓬飄

懷劉園諸友

亭榭劉園麗携遊汝輩頻竹高停翠袖花密隱
朱唇橋是經行地城餘戰鬪塵京華又二載腸
斷楚鄉春

過子容有懷獻吉

故友何人在常時獨爾遊停盃思北海躍馬為
南州雨助鳴蛩夕風驚過鴈秋有懷俱不減携

手重遲留

懷李生園呈李升

李生北園內亭榭近如何
草徑猶紅藥柴扉白碧蘿
江湖歸路少天地戰場多
空憶張夫子清尊夜、過

雪簡川甫

一雪數花集空庭寒起遲
微風罷弱舞初日尚餘
姿自抱朱絃瑟誰看玉樹枝
仙曹有高倡不

送鳳凰池

寄任司訓

不見任公子飄飄旅客龜
苦吟惟白髮生計有清尊
散吏真兼隱荒城不異村
人間好事者誰到廣文門

至日寄望之汶上

至日懷親友題書在帝鄉
風雲餘歲色梅柳復年芳
白髮行藏裏清尊涕淚傍
思君魯城北

汝水日場湯

簡以道

久病文園客風流漢長卿苦吟生白髮消渴望
金莖雪盛黃精草雲深赤石英早尋方外士服
食使身輕

寄空同子卜居襄陽

爾定襄陽宅雲山好傍誰草憐王粲井花醉習
家池留滯悲江漢驅馳感歲時扁舟空張望未

有鹿門期

雪簡鄭客

燕雪未成花蕭、覆淺沙誤聽梁苑竹擬故楚
江槎集霰含風色流雲轉日華城中百萬戶歌
舞醉誰家

寄錢水部

多情錢水部別後有哀吟萬里秋風興孤舟日
暮心白沙官舍迴滄海故園深悵望佳期隔殷

寄

勤數字音

寄王文熙

之子南歸日。江湖淚泫然。涼風一夕至。秋月幾
回圓。鴻雁求巢急。鴈鴈各自遷。三年望天末。徒
有寸心懸。

寄顧華玉

詞客金陵去。那期歲屢過。相思秋水隔。悵望暮
雲多。清廟朱絃瑟。華堂白紵歌。徽音夕寂寞。高

調近如何

簡玄敬

故友日零落。都君情不忘。草玄常避客。頭白近
為郎。宦况思江上。鄉心望海傍。聞君話山水。吾
亦慕南方。

寄徐太守

塞鴈去復盡。燕臺愁望春。十年同病客。萬里各
風塵。南國已碧草。清江空白蘋。秋來有詞賦。莫

使怨騷人

閣內簡張員外

我在金門裏聞君候瑣闌去天俱咫尺瞻日共
光輝柳下官出花邊閣吏稀晚來沙苑外騎
馬欲同歸

寄易內翰

日望長沙憶君城柳斜風塵愁燕雀江海嘆
龍蛇公子天邊草夫人廟口花故鄉盃酒罷遙

亦念京華

寺中齋居簡崔內翰張侍御二子

融雪草生細林寒鶯到稀傷春懷二子齋沐掩
禪扉石室棲金馬天花落繡衣分明共朝市鷓
鴒不同飛

喜明王之量移兼寄

嶺海投荒日燕臺望遠時三年一消息萬里轉
相思歸鴈先知暖鷺鳥尚繞枝湘江催發棹預

報北來期

立秋日寄粹天

一○葉○悲○天○地○秋○風○淚○萬○行○江○河○無○日○夜○邊○塞○有○
烟○霜○鴈○鵠○思○高○起○龍○蛇○願○久○藏○蓬○瀛○何○處○涉○頭○
白○恨○無○梁○

寄家書

一○返○滇○中○使○重○嗟○故○里○遠○老○親○遙○在○念○薄○祿○未○
能○歸○雨○雪○三○冬○暗○家○書○累○月○稀○淚○臆○燈○下○發○迴○

鴈隔雲飛

寄三子詩

三子者王康呂三子也三子俱產之關中
並見而同隱西望高驂慷慨悲懷為詩寄
之

鄜○杜○終○南○曲○邠○岐○渭○北○陸○水○多○龍○卧○處○山○右○鳳○
來○時○星○宿○中○霄○動○風○雲○萬○里○移○滄○江○間○靈○劍○離○
合○少○人○知○

大復集卷第十九

